

**“Ўзмелиомашлизинг” давлат лизинг компанияси томонидан
2015 йилнинг I-чораги давомида бажарилган ишлар тўғрисида
М А Ъ Л У М О Т**

I. Давлат Дастурининг бажарилиши

Мелиорация ва бошқа сув хўжалиги ишларини бажаришга ихтисослаштирилган сув хўжалиги эксплуатация ва пудрат ташкилотларини, шунингдек, сув истеъмолчиларинг фаолиятини кўллаб қувватлаш борасида Компания томонидан Давлат дастури асосида Қишлоқ ва сув хўжалиги вазирлиги буюртмасига кўра Суғориладиган ерларнинг мелиоратив ҳолатини яхшилаш жамғармаси маблағлари ҳисобидан 2015 йилда жами қиймати **41,2 млрд сўмлик 165 дона** замонавий техника харид қилиш режалаштирилган, шундан **66 дона** замонавий экскаватор, **21** дона бульдозер ва **78 дона** бошқа техника ва механизмлар. Шунингдек, жорий йилда Компания ўз маблағлари ҳисобидан қиймати **10,5 млрд сўмлик 35 дона** замонавий техникаларни харид қилиб, лизинг олувчиларга етказиб бериш режалаштирилган.

Давлат дастури ижросини таъминлаш бўйича 2014 йил октябр ойида ўтказилган Тошкент ҳалқаро ярмарка ва кооперацион биржада 2015 йил Давлат дастурида белгиланган техникаларни харид қилиш бўйича жами қиймати **30,3 млрд сўмлик 7** турда, жами **59 дона** техникаларни маҳаллий ишлаб чиқарувчилардан сотиб олиш бўйича шартномалар имзоланди.

-66 дона экскаватор ва **21 дона** бульдозерларни харид қилиш бўйича “UzXCMG” қўшма корхонаси билан шартнома имзоланди.

-13 дона пайвандлаш агрегатини харид қилиш бўйича тендер ўтказилди.

- 3 дона ёпиқ горизонтал дренаж қуриш агрегатини танлов асосида харид қилиш бўйича Вазирлар Маҳкамасининг фармойиш тайёрланди ва ушбу фармойишга асосан танлов комиссияси тузилиб, ҳозирда етказиб берувчиларнинг таклифлари ўрганилмоқда..

Жорий йилнинг 1 апрел ҳолатига **147** дона техникани харид қилиш бўйича техникалар қийматининг 85 фоизи миқдоридида **30,9 млрд. сўм** молиялаштириш учун Жамғармага буюртманомалар берилди ва Жамғарма томонидан **10,8 млрд сўм** маблағ молиялаштириб берилди.

**II. Компания фаолиятини такомиллаштиришда Ҳукумат
топшириқларининг бажарилиши.**

Ўзбекистон Республикаси Вазирлар Маҳкамасининг “2014 йилда республикани ижтимоий-иқтисодий ривожлантириш яқунлари ва 2015 йилга мўлжалланган иқтисодий дастурнинг энг муҳим устивор вазибалари тўғрисида”ги 2015 йил 16 январдаги 1- сонли баёни ижросини таъминлаш бўйича жорий йилда режада белгиланган техникалар харидини жорий йилнинг май ойига қадар яқунлаш ҳамда Қишлоқ ва сув хўжалиги вазирлиги, Мелиорация Жамғармасини бошқариш департаменти ва вилоятлар ҳокимликлари билан биргаликда лизинг олувчилар томонидан лизинг тўловларини ўз вақтида қайтарилиши бўйича тармоқ жадвали ишлаб чиқилди ва тўловларни ойма-ой ўз вақтида тўлаб борилиши назоратга олинди.

“Ўзбекистон Республикаси Президентининг 2014 йил 3 апрелдаги ПҚ-2158-сонли қарори ижроси бўйича Компанияда 2015-2020 йилларда ахборот-коммуникация технологияларини кенгроқ тадбиқ этиш ва ривожлантириш бўйича дастури ишлаб чиқилди ва вазифалар белгилаб олинди.

Интернетдаги расмий веб-сайтда амалга оширилаётган ишлар, таркибий ва кадрларга оид ўзгаришлар, қабул қилинган қарорлар, соҳага оид илмий янгиликлар ва тавсияларни доимий равишда ёритиб борилмоқда.

Ҳукумат топшириқлари асосида мелиоратив тадбирлар дастурини бажарилиши ва сув ресурсларидан оқилона ва тежамли фойдаланиш бўйича Вазирлар Маҳкамасини ишчи гуруҳида бўлим ходимлари доимий иштирок этиб, қишлоқ хўжалигини барқарор ривожлантиришга катта ҳисса қўшиб келмоқда.

III. “Ўзмелиомашлизинг” ДЛКнинг молиявий-иқтисодий ҳолати.

Компаниянинг молиявий-иқтисодий фаолияти ўтган даврларга нисбатан яхшиланиб келмоқда. Компаниянинг бугунги кундаги лизинг операциялари бўйича активлари **217 351,9 млн сўмдан** иборат.

2015 йилнинг 1 апрел ҳолатига лизинг портфелида етказиб берилган техникалар сони 1751 та ва портфелдаги умумий лизинг қиймати **265 886,2 млн сўмни** ташкил этиб, ўтган йилга нисбатан солиштирганда ўсиш суръати **(35,1 млрд сўм) 115 фоизни** ташкил қилди. 2015 йил январ-март ойи давомида лизинг хизматидан олинган даромад **1022,3 млн сўмни** ташкил этади.

2015 йилнинг I-чораги давомида жами **61 дона** техника лизинг олувчиларга етказиб берилган ёки кўрсатилган хизматлар ҳажми **17 055,5 млн сўмни** ёки ўтган йилнинг ушбу даври билан солиштирганда кўрсатилган хизматлар ҳажми **4688,7 млн сўмга** ортган.

Компаниянинг 2015 йил 1 апрел ҳолатига олган соф фойдаси **313,5 млн сўмни**, ташкил этади.

IV. Лизинг тўловлари бўйича қарздорликларни ундирилиши.

Лизинг олувчилар томонидан 2015 йилнинг январ-март ойлари давомида Компания ҳисоб рақамига **9 151,5 млн. сўм** маблағ, шу жумладан **4 640,6 млн. сўм** олдиндан 15 % бўнак тўловлари ва **4 225,3 млн. сўм** лизинг тўловлари туширилган.

Лизинг тўловлари бўйича тушумларнинг ортиб боришига қарамасдан, айрим лизинг олувчи давлат унитар корхоналари, ирригация тизим бошқармаларининг етказиб берилган техникалар учун ҳисобланган лизинг тўловлари бўйича қарздорликлари ҳамон сақланиб қолмоқда. Қарздорликларни узиш бўйича Қишлоқ ва сувхўжалиги вазирлиги, вилоят хокимликлари ва ирригация тизим хавза бошқармаларига бир неча бор ёзма мурожат қилинишига қарамасдан лизинг тўловлари бўйича қарздорликни қисқартириш борасида олиб борилган ишлари қониқарсиз қолмоқда.

Жорий йилнинг январ-март ойлари давомида лизинг тўловлари бўйича муддати ўтган қарздорликка йўл қўйган **9 та** давлат унитар корхоналаридан мавжуд

қарздорликларини ундириш учун хўжалик судларига хужжатлар расмийлаштирилиб берилди.

Кўрилаётган барча тадбирларга қарамай, лизинг олувчиларнинг Компания олдидаги лизинг тўловлари бўйича қарздорликлари 2015 йилнинг 1 апрел ҳолатига **4 641,7 млн. сўми** ташкил этиб, ўтган йилга нисбатан **1 635,8 млн.сумга** ортган.

Хусусан катта қаздорлик Жиззах вилояти бўйича **1008,4 млн. сўм**, Сурхондарё вилояти бўйича **810,5 млн. сўм**, Қашқадарё вилояти бўйича **395,3 млн. сўм**, Сирдарё вилояти бўйича **518,8 млн. сўм**, Навоий вилояти бўйича **404,7 млн. сўми** ташкил этади.

V. Мелиоратив техникаларга сервис хизмати кўрсатиш.

“Мелиомашлизингсервис” шўъба корхонаси томонидан жорий йилнинг январь-март ойлари давомида лизингга берилган техникаларга **900,0 млн сўмлик** сервис хизматлари кўрсатилди.

Техникалардан оқилона ва самарали фойдаланишни назорат қилиш мақсадида техника ишлаб турган жойни онлайн режимида кўрсатиб турувчи GPS курилмалари жорий йилнинг I-чораги давомида **113 дона** техникаларга ўрнатилди.

VI. Компания ходимларини малакасини ошириш.

Кадрлар заҳирасини шакллантириш учун Компанияга энг истиқболли ходимлардан танланган номзодлар рўйхати ҳар чоракда қайта кўриб чиқиб тасдиқланади. Компания бўлим бошлиқларини бошқа бўлимларда ҳам раҳбарлик қилишни ўрганиб чиқишини кўзда тутган ҳолда уларнинг иш ўринларини ротация қилиш режалаштирилди.

Компания ходимлари жорий йилнинг апрел ойида энг паст даражадаги компьютер саводхонлиги бўйича ходимлар аттестациядан ўтдилар. Аттестациядан ўтмаган ходимлар ТАТУ да шартнома асосида 24 соатлик уқув курсларида ўз малакаларини ошириб қайтдилар.

Ижро этувчи директор

А.Сулаймонов